

sagen / auff daß man wol vnnnd recht damit wisse
vmb zu gehen / vnnnd einem jedwedern Ding sein
Recht beweise / sonstn würde man wenig Nutzen
damit erlangen / sondern viel mehr Vnruhe vnnnd
eitele Arbeit verrichten / vnnnd wie das tägliche
Sprichwohrt lautet: Hopffen vnd Mals verloh-
ren seyn.

CAPUT VIII.

Vnd Erstlich von Vohrbereytung aller
Häfen oder Mutter von Wein / Meth /
Bier / vnnnd andern Getrâncken.

Die Mutter / fæces, oder sedimentum des
Meths / Biers / oder anderer Getrâncke / be-
dörffen ganz keiner Vohrbereytung / sondern geben
also / wie dieselbe an sich selber seyn / in der Distilla-
tion ihre Spiritus gahr gerne von sich: Es were
dann / daß von solchen zuvohr die Nässeit / als
Wein / Meth oder Bier / davon gepreßt worden /
vnnnd solche ganz trocken weren / dann ist es nöthig /
daß man dieselbe wiederumb mit gemeinem Was-
ser zertreibe / vnnnd dünn mache / auff daß solche in
der Distillation nicht an dem Kessel hangen bleiben
vnnnd verbrennen: Wie in der Distillation derselben
weiter davon gelehret wirdt: Aber die Blumen /
Kräuter / Wurzeln / Samen / Früchte / vnnnd alles
Obst kan ohne vohrhergehende præparation nicht
distillirt werden / sondern müssen zuvohr darzu be-
quem gemacht werden / als folget.

C A-